

欽定歷代職官表

14

7保4  
4544  
22



存  
4544  
22

欽定歷代職官表卷六十五

世爵世職表

公	公	三	秦	漢	漢	晉	魏	晉	隋	唐	宋	遼	金	元	明
						附鄉公 縣公	開國郡公 散公	開國郡公 散公	開國郡公 縣公	開國郡公 開國縣公	開國郡公 開國縣公	開國郡公 開國縣公	郡公	郡公	公

職官表卷六十五

世爵世職表

廣雅書局



雲 騎 尉 恩 騎 尉

謹案秦漢二十級之爵漢武功爵魏名號侯以下諸爵與九等異制今擇其以侯稱者附於侯表之下其不以

侯稱者無所附麗則不入表漢魏之關內侯亭侯及縣鄉等侯名為侯而位在子男下則改從附列唯晉以後之縣侯在伯子男上故別著之唐勳官在輕車都尉上者有上柱國柱國上護軍護軍在騎都尉下者有驍騎尉飛騎尉在雲騎尉下者有武騎尉皆今制所無故不著恩騎尉為

聖朝特設列古所未著謹缺其沿革而仍繫於表以誌令典焉

世爵世職

國朝定制

世爵世職之等有九曰公曰侯曰伯曰子視一品曰男視二品曰輕車都尉視三品曰騎都尉視四品曰雲騎尉視五品曰恩

騎尉視七品自公至輕車都尉又各有三等授爵自雲騎尉始

一雲騎尉則合為騎都尉襲二次再加為騎都尉兼一雲騎尉襲三次再加為三等輕車都尉襲四次二等輕車都尉襲五次一等輕車都尉襲六次一等輕車都尉兼一雲騎尉襲七次三等男襲八次二等男襲九次一等男襲十次一雲騎尉襲十次四等男襲十一等子兼一雲騎尉襲十二次二等子襲十三次一等子襲十四次一等子兼一雲騎尉襲十五次三等子襲十六次二等子襲十七次一等子兼一雲騎尉襲十八次一等伯兼一雲騎尉襲十九次三等侯襲二十次二等侯襲二十一次一等侯兼一雲騎尉襲二十二次一等侯襲二十三次三等公襲二十四次一等侯襲二十五次一等公襲二十六次內有因陣亡給與者襲次已完仍授恩騎尉令其世襲

職官表卷六十五  
公侯伯子男輕車都尉騎都尉雲騎尉恩騎尉之爵以褒敘勲績酬庸懋賞次第其功績之大小而錫以世襲之等國初定世爵自公至拖沙喇哈番共八等凡授爵自拖沙喇哈番始如拖沙喇哈番加一拖沙喇哈番則合爲一拜他喇布勒哈番再加則爲拜他喇布勒哈番兼一拖沙喇哈番再加爲三等阿達哈哈番遞加至一等阿達哈哈番如再加一拖沙喇哈番則爲一等阿達哈哈番兼一拖沙喇哈番再加則爲三等阿思哈尼哈番積拖沙喇哈番二十有六則爲一等等公開創功臣策勳錫爵與河山共永封爵在順治七年九年

恩詔以前者世襲罔替或論功在

詔後立功在

詔前者亦世襲罔替其給子

敕書注明世次者仍按次承襲自後凡有忠誠宣力懋建軍功膺

授功爵者除奉

特旨世襲罔替外其餘自拖沙喇哈番襲一次遞加至一等公襲二十六次至一等公以上爵無可加令以適子襲一等公以別子襲其餘爵康熙元年定凡世爵合并至公侯伯者其子弟承襲時照原繫幾人之爵仍與幾人分襲雍正元年定一二三等公各錫以美名如衰績公忠達公等其外或則倣古恩澤侯義命爲承恩公乾隆元年總理王大臣奏定精奇尼哈番以下世爵清文並改用漢文精奇尼哈番爲一

二三等子阿思哈尼哈番爲一二三等男阿達哈哈番爲  
一二三等輕車都尉拜他喇布勒哈番爲騎都尉拖沙喇  
哈番爲雲騎尉其清文從舊十四年定一二三等侯伯亦  
各錫以美名如奉義侯  
敦惠伯等自後膺封爵者凡勳猷殊等皆奉  
特旨定錫嘉號十五年定自一等公襲二十六次至雲騎尉襲  
一次均按所開襲次載入

誥敕又定陣亡人等子孫襲次已完者賞七品京官令其世襲  
罔替十六年世襲七品官定爲恩騎尉與

國初所定共爲世爵九等  
歷代建置

謹案公侯伯子男之爵昉於唐虞仍於三代其間惟殷

爵三等餘皆五等並分土建國傳之久遠封建一定世  
次不復差別其外則周有司勳賞地之法益如畿內卿  
大夫世食采邑之比大小各有差等而世次遠近亦無  
定制也秦去五等制爵二十級以賞戰功以徹侯擬公  
侯以關內侯擬圻內子男其餘以擬卿大夫士益髣髴  
其意云爾漢仍而用之制爵大者王小者侯侯秦之徹  
侯也二十級終漢代不廢復有武功爵之十一級則武  
帝一時之制也魏別置名號侯以下諸級復置國王公  
侯伯子男鄉亭關內侯諸列益五等之目至是復存晉  
宋以後有開國爵散爵之分有封郡封縣之別因時殊  
制以迄於元明行之不改然其言九等十二等者皆以

親王郡王及諸爵並列而數之考王爵爲寵錫親王之  
鉅典與酬賞功勳之制不同雖漢初功臣亦有分王唐  
代卿士功高者得以至於郡王要不得以爲常制故篇  
中備採舊史原文而王爵則概不列之于表至輕車都  
尉以下古所未見唐置勳官始改隋之開府儀同三司  
爲上下輕車都尉儀同三司爲騎都尉帥都督爲雲騎  
尉次列於勳官十二轉之中是爲酬勳之始而宋以後  
因之其在古者雖漢有輕車將軍騎都尉之職隋有八  
尉之目祇可溯其稱名之始而非以爲沿革也恩騎尉  
則我

皇上創制殊典以優卹功臣尤爲前古勳官所未備焉考自

古勳爵判爲兩途不相連屬爵有世襲而勳無世襲爵  
之世襲者並無世次之殊其有功臣受功而兼得他勳  
者亦不過虛崇美號而已夫爵所以酬勳也勳官亦所  
以酬勳也何容歧視而別置之且周家五等而下卿大  
夫士皆謂之爵其次等皆由遞積而上可詳考也惟我  
聖朝恩施優渥品秩章明凡授爵自雲騎尉始積二十六等  
而爲一等公其一等侯伯子男輕車都尉之兼一雲騎  
尉者襲次亦因以遞加勳爵旣合爲一世襲之遠近一  
視其功績之大小其陣亡授爵襲次已完者復制恩騎  
尉以優卹於無窮茂典隆恩均非前代所可企及茲以  
歷代規制不同之故撮敘大端於此以便考證並以見



我

朝世爵定制實為超軼於千古焉

三代

杜佑通典昔黃帝旁行天下分建萬國至於唐虞別為五等曰公侯伯子男則虞書所謂輯五瑞備五玉是其制也夏與唐虞同殷制公侯百里伯七十里子男五十里

禮記王制王者之制祿爵公侯伯子男凡五等鄭康成注按元命苞

云公者為言平也公平正直侯者候也侯王順逆伯之為言白也明白於德也子者奉恩宣德男者任功立業此五等者為虞夏及周制公侯田方百里伯七十里子男五十里鄭康成注此地殷所因夏爵三等之制也武王初定天下更立五等之爵增以子男而猶因殷之地周公攝政斥大九州之界公侯大者地方五百里其次侯四百里伯三百里子二百里男百里孔穎達疏案尙書武成云列爵

維五分土維三既云列爵維五故知增以子男也

謹案鄭注孔疏皆以殷爵三等至周而仍為五等惟杜佑以殷制地三等其爵亦有五等為說少異當以注疏為正

秦

通典秦制爵二十等以賞功勞二十徹侯十九關內侯十八大世長十七駟車庶長十六大上造十五少上造十四右更十三中更十二左更十一右庶長十左庶長九五大夫八公乘七公大夫六官大夫五大夫四不更三簪褭二上造一公士

後漢書百官志劉昭注劉劭爵制曰商君為政備其法品

為十八級合關內侯列侯凡二十等關內侯者依古圻內子男之義也秦都山西以關內為王畿故曰關內侯也列侯者依古列國諸侯之義也

謹案鄭樵通志曰秦爵二十等最高徹侯乃得食縣其次關內侯食租稅於關內餘十八等大庶長以下則如吏職馬端臨文獻通考說亦相同大旨悉本之劉劭蓋其時爵與階不分故共為二十等今則徹侯關內侯當屬於爵而十八級當屬於階以其文不可割裂分屬且十八級者本以賞戰功亦今輕車都尉等官所緣起故與文武官階篇並錄斯文俾互見焉

漢

史記漢興以來諸侯年表漢興序二等  
裴駰集解劉昭曰小者侯也司馬貞索隱應劭曰漢封功臣大者王雖名為王其實如古之諸侯  
高祖末年非劉氏而王者若無功上所不置而侯者天下共誅之

前漢書百官公卿表爵一級曰公士二上造三簪裹四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五上造十六大上造十七駟車庶長十八大庶長十九關內侯二十徹侯皆秦制以賞功勞徹侯金印紫綬避武帝諱改曰通侯或曰列侯

謹案漢爵皆沿秦制故此文與秦互見而文武官階篇中互見亦同

通志漢有國王國侯亭侯三等王皆裂地侯以戶數為差分民自此始漢初論功封

侯者凡百四十三人食邑者除租每戶一歲更輸錢二百

史記平準書請置賞官命曰武功爵裴駰集解瓚曰茂陵中書有武功爵一級

日造士二級日閑輿衛三級日良士四級日元戎士五級日官首六級日秉鐸七級日千夫八級日樂卿九級日執

戎十級日左庶長十一級日軍衛此武帝所制以寵軍功焉諸買武功爵官首者試補

吏先除千夫如五大夫其有罪又減二等爵得至樂卿以

顯軍功軍功多用越等大者封侯卿大夫小者郎吏吏道

雜而多端則官職耗廢

謹案漢興不設五等其封爵以王侯概之復仍秦二十

等之制以賞功勞鄭樵所謂三等之亭侯蓋即列侯中

之小者耳其實仍二等也初制分土廣大旋以致亂其

後稍復易置諸侯王得推恩分封其子弟眾建少力而

國勢以安亦可知立制之未善矣至武帝立武功爵以

寵軍功而買爵得至樂卿尤為一時權設之計宜其行

之未久而即罷也漢又有國大夫列大夫上聞爵見史

記樊噲列傳如淳注以為國大夫即官大夫列大夫即

公大夫上聞爵則始於魏文侯勝齊天子賞文侯以上

聞又有執帛執珪之爵見曹參灌嬰列傳注以為孤卿

執帛侯伯執珪以朝位比之呂氏春秋有得伍員位執

珪之文蓋皆雜探古制而用之者以其非常制故不盡

著而附識於此

後漢書百官志列侯所食縣為侯國本注曰承秦爵二十

等為徹侯金印紫綬以賞有功功大者食縣小者食鄉亭  
得臣其所食吏民後避武帝諱為列侯武帝元朔二年令  
諸王得推恩分眾子土國家為封亦為列侯舊列侯奉朝  
請在長安者位次三公中興以來唯以功德賜位特進者  
次車騎將軍賜位朝廷侯次五校尉賜位侍祠侯次大夫  
關內侯承秦賜爵十九等為關內侯無土寄食所在縣民  
租多少各有戶數為限

〔通志〕後漢爵亦三等皇子封王其郡為國其列侯雖鄧寇元勳不過四縣

### 三國

〔三國魏志〕武帝紀建安二十年始置名號侯至五大夫與  
舊列侯關內侯凡六等以賞軍功裴松之注魏書曰置名號侯爵十八級關中侯

爵十七級皆金印紫綬又置關內外侯十六級銅印龜鈕  
墨綬五大夫十五級銅印環鈕亦墨綬皆不食租與舊列  
侯關內侯凡六等臣松之以為今之虛封蓋自此始

〔通典〕魏黃初三年初制封王之庶子為鄉公嗣王庶子為  
鄉侯公之庶子為亭伯其後定制凡國王公侯伯子男六  
等次縣侯次鄉侯次亭侯次關內侯又置名號侯爵十八  
級關中侯爵十七級關外侯爵十六級五大夫十五級自  
關內侯皆不食租虛封自魏始

謹案五等之制漢代不備至三國而復立而縣鄉亭侯  
關內侯復多為之等以變通之蓋因漢大小列侯而漸  
分其制也裴松之謂虛封自魏始蓋指名號侯至五大  
夫諸爵而言杜佑則以關內侯以下皆不食租考名號

侯以下有關中侯關內外侯之稱與關內侯相近其所  
以別為新置者正以關內侯食封其餘不食封以是為  
殊耳是杜佑之言為未核也自秦置爵二十級而漢因  
之兩漢書所記之賜爵皆秦舊制也魏則別置諸爵合  
而稽之多至六十餘級故魏制載每有行賞則必賜爵  
始之以為賞功終之以為賜與誠未合於慎重之義矣

晉

晉書職官志武帝咸寧三年有司奏從諸王公更制戶邑  
皆中尉領兵大國次國小國皆制所近縣益滿萬戶又為  
郡公制度如小國王亦中尉領兵郡侯如不滿五千戶王  
置一軍一千一百人亦中尉領之南宮王承隨五萬各於

秦始皇中封為縣王邑千戶至是改正縣王增戶為三千戶  
制度如郡侯亦置一軍自此非皇子不得為王而諸王之  
支庶皆皇家之近屬至親亦各以上推恩受封其大國次  
國始封王之支子為公承封王之支子為侯繼承封王之  
支子為伯小國五千戶以上始封王之支子為子不滿五  
千戶始封王之支子及始封公侯之支子皆為男非此皆  
不得封

通志晉有王公侯伯子男又有開國郡公縣公郡縣侯伯  
子男及鄉亭關內等侯凡十五等王大國二萬戶三軍兵  
五千次國一萬戶二軍  
兵三千下國五千戶一軍兵一千五百其公之制如五千  
戶國侯如不滿五千戶國並置一軍千人其伯子男以下  
各有差不置軍

職官表卷六十五  
宋齊梁陳

宋書百官志宋氏以來一用晉制惟王國大小國皆有三軍晉江左以來公國無中尉常侍侯國無大農侍郎伯子男唯典書以下無學官令吏職皆以次損省焉

通志宋皆因晉制惟大小國皆三軍齊因之梁因前代隋書百官志梁制五等諸公位視三公班次之開國諸侯位視孤卿重號將軍班次之開國諸伯位視九卿班次之開國諸子位視二千石班次之開國諸男位視比二千石班次之

通典梁封爵亦如晉宋之制

隋書百官志陳承梁制其封爵爲九等之差郡王第一品嗣王藩王開國郡縣公第二品開國郡縣侯第三品開國郡縣伯第四品開國子第五品開國男第六品湯沐食侯第七品鄉亭侯第八品關中關外侯第九品

通志陳有郡王嗣王藩王開國郡公開國縣公侯伯子男沐食侯鄉亭侯關中關外侯凡十二等

謹案陳封爵自郡王以下隋書以爲九等通志以爲十二等蓋通志分王爲三開國公爲二隋書則王公各一等也考自漢制非劉氏不王列代仍之其自魏晉以迄陳隋諸王爵之制皆爲親藩分土而設於酬勳之典無與唯開國公以下則皆計功而授爵然亦各開府食邑建置僚屬又或分土治民爲事權所屬與列爵賞功之

制亦不相符合以其為爵級所在故並摭錄其概備考核焉

後魏

魏書官氏志皇始元年始建曹省封拜五等天賜元年九月減五等之爵始分為四曰王公侯子除伯男二號皇子及異姓元功上勳者封王宗室及始藩王皆降為公諸公降為侯侯子亦以此為差於是封王者十人公者二十二人侯者七十九人子者一百三人王封大郡公封小郡侯封大縣子封小縣王第一品公第二品侯第三品子第四品本志舊制諸以勳賜官爵者子孫世襲軍號太和十六年改降五等始革之止襲爵而已世宗頒行職令王開國郡公第一品散公第二品開國縣侯第二品散侯從第

二品開國縣伯第三品散伯從第散伯從第開國縣子第四品散子從第開國縣男第五品散男從第散男第五品

北齊

隋書百官志後齊官制王第一品開國郡公從第一品散郡公開國縣公第二品散縣公開國縣侯從第二品散縣侯開國縣伯第三品散縣伯從第三品開國縣子第四品散縣子從第四品開國縣男第五品開國鄉男散縣男從第五品

後周

隋書百官志周制外命諸公九命諸侯八命諸伯七命諸子六命諸男五命

職官表卷六十五  
通典後周制封爵郡縣有公侯伯子男者皆加開國授柱國大將軍開府儀同者並加使持節大都督

謹案舊唐書言勳官之始出於周齊交戰之際本以酬戰士其後漸及朝流階爵之外更爲節級今考周齊爵制史書不詳卽其載於舊唐書者亦止云周置上開府儀同三司開府儀同三司上儀同三司儀同三司而已其所謂十一號亦未盡載其目也隋書言隋採周制置上柱國十一等以酬勤勞則周之十一號亦當不甚相遠史文闕軼無以察其緣起自魏晉以至後周亦畧識其梗概而已

隋

隋書百官志國王郡王國公郡公縣公侯伯子男凡九等煬帝時並廢唯雷王公侯三等

通典開皇中樊子蓋進爵封爲濟公言其公濟天下特爲立名無此郡國

隋書百官志高祖採後周之制置上柱國柱國上大將軍上開府儀同三司開府儀同三司上儀同三司儀同三司大都督帥都督都督總十一等以酬勤勞六年又別置武騎屯騎驍騎游騎飛騎旅騎雲騎羽騎八尉其品則正六品以下從九品以上上階爲郎下階爲尉煬帝罷

通典武騎尉屯騎尉驍騎尉游騎尉飛騎尉旅騎尉雲騎尉羽騎尉建節尉奮武尉宣惠尉綏德尉懷仁尉守義尉



奉誠尉立信尉都十六尉並隋置以爲武散官

謹案隋代開府儀同三司爲唐代輕車都尉之所從起至雲騎尉則始見於隋書八尉之中當時蓋特以爲官階及武散官而已未嘗有勳爵之名也然唯未立勳爵則階散卽所以酬勳故考隋代爵制自九等而下必及于十一階與十六尉也

唐

唐書百官志司封郎中掌封命朝會賜予之級凡爵九等一曰王食邑萬戶正一品二曰嗣王郡王食邑五千戶從一品三曰國公食邑三千戶從一品四曰開國郡公食邑二千戶正二品五曰開國縣公食邑千五百戶從三品六

曰開國縣侯食邑千戶從三品七曰開國縣伯食邑七百戶正四品上八曰開國縣子食邑五百戶正五品上九曰開國縣男食邑三百戶從五品上

通典異姓卿士功業特盛者亦封郡王自至德元年至大曆二年封異姓爲

王者凡百九等並無官土其加實封者則食其封分食諸

郡以租調給自武德至天寶實封者百餘人自至德二

年至大曆三年實封者二百六十五家

謹案唐爵九等功臣亦多至郡王者然爵土皆係虛名所給實封俱於內府支給縑布又多及身而止不復著承襲之典其制與前代異馬端臨通考云唐初如英衛之類其子尙襲封至中葉以後則此制盡廢如狄仁傑封梁公子元嗣未嘗襲梁公張說封燕公子均未嘗襲

燕公也今考唐書元宗本紀開元五年詔子公侯子孫承襲褚無量列傳無量請收敘唐初功臣世絕者雖在支庶亦得承襲元宗允其請始與襲封是則開元中偶有襲封而肅代後則絕無其制也又云唐會要神龍二年七月制功臣段志元等二十五家所食實封並依舊給可見當時實封止受封者之身如此二十五家則持旨支給非通例也夫酬庸錫爵位至王公乃及身而止其子孫曾不得仰沾恩澤此唐制疎畧不得優厚勳庸之義厥後強藩列鎮反得私竊土地而世守之亦輕重倒置積漸使然也

唐書百官志司勳郎中掌官吏勳級凡十有二轉爲上柱

國視正一品十有一轉爲柱國視從二品十轉爲上護軍視正三品九轉爲護軍視從三品八轉爲上輕車都尉視正四品七轉爲輕車都尉視從四品六轉爲上騎都尉視正五品五轉爲騎都尉視從五品四轉爲驍騎尉視正六品三轉爲飛騎尉視從六品二轉爲雲騎尉視正七品一轉爲武騎尉視從七品凡以功授者覆實然後奏擬戰功則計殺獲之數堅城苦戰功第一者三轉出少擊多曰上陣兵數相當曰中陣出多擊少曰下陣矢石未交陷堅突眾敵因而敗者曰跳盪殺獲十之四曰上獲十之二曰中獲十之一曰下獲凡酬功之等見任前資常選曰上資文武散官衛官勳官五品以上曰次資五品以上子孫上柱

國柱國子勳官六品以下曰下資白丁衛士曰無資跳盪人上資加二階次資下資無資以次降凡上陣上獲五轉中獲四轉下獲三轉第二第三等遞降焉中陣之上獲眡上陣之中獲中獲眡上陣之下獲下獲兩轉下陣之上獲眡中陣之中獲中獲眡中陣之下獲下獲一轉破蠻獠上陣上獲比兩番降二轉凡勳官九百人無職任者番上于兵部既遠近爲十二番以強幹者爲番頭畱宿衛者爲番月上外州分五番主城門倉庫執刀上柱國以下番上四年驍騎尉以下番上五年簡於兵部授散官不第者五品以下復番上四年六品以下五年簡如初再不中者十二年則番上六年八年則番上四年勳至上柱國有餘則授周以上親無者賜物太常音聲人得五品以上勳非征討功不除簿諸州授勳人歲第勳之高下三月一報戶部有蠲免必驗

謹案唐始列勳官爲十二轉之法以差序功績而定其品數蓋周禮司勳之遺意也其戰功有上陣中陣下陣之殊其敘資有上資中資下資無資之別而番上輪簡規制亦爲詳備但十二轉至上柱國而止而九等之爵不歸積算則以爵與勳分爲二途不相聯攝其實唐爵但係虛名並無分土而勳官之制則除授益輕至其末路遂不復有優崇之意舊唐書言咸亨後戰士授勳動盈萬計身應役使有類僮僕據令乃與公卿齊班以爲

由其猥多出自兵卒之故此固末季糝政非立法之本  
意然當時之濫予無次亦可概見矣

舊唐書職官志唐初改上開府儀同三司爲上輕車都尉  
開府儀同三司爲輕車都尉儀同三司爲騎都尉上大都  
督爲驍騎尉大都督爲飛騎尉帥都督爲雲騎尉都督爲  
武騎尉。勳官者出於周齊交戰之際本以酬戰士其後  
漸及朝流階爵之外更爲節級周置上開府儀同三司開  
府儀同三司上儀同三司儀同三司等十一號隋文帝因  
周之舊更增損之武德初雜用隋制至七年頒令定爲上  
柱國柱國上大將軍大將軍上輕車都尉輕車都尉上騎  
都尉騎都尉驍騎尉飛騎尉雲騎尉武騎尉凡十二等起

正二品至從七品貞觀十一年改上大將軍爲上護軍大  
將軍爲護軍自外不改

通典漢文帝元年始用宋昌爲衛將軍位亞三司後漢章  
帝建初三年使車騎將軍馬防同三司同三司之名自此  
始魏黃權以車騎將軍開府儀同三司開府之名自此始  
齊開府儀同三司如公梁開府儀同三司位次三公後魏  
亦有之北齊有開府儀同三司及儀同三司後周改爲開  
府儀同大將軍儀同大將軍仍增置上開府儀同大將軍  
上儀同大將軍隋文帝並以爲散官唐改上開府儀同三  
司爲上輕車都尉開府儀同三司爲輕車都尉儀同三司  
爲騎都尉

謹案開府儀同三司列代以爲散官隋唐以爲文散官與勳賞不相合而武德七年所制上輕車都尉騎都尉實由此而改其沿革之由不可沒也唯其與勳爵秩殊制故權差敘唐書及通典之文於此以著勳官之概而不復列之於表

〔通典〕輕車將軍漢武帝置以公孫賀爲之又有輕車校尉梁陳後魏北齊亦有輕車將軍唐採舊名置上輕車都尉輕車都尉騎都尉漢武帝置以李陵爲之更始初亦有晉以後歷代皆有之唐採舊名置上騎都尉騎都尉

謹案漢以來輕車校尉輕車將軍及騎都尉乃將輕車及騎士之官皆以實職供事不爲繫銜唐省其職而採

其名以爲勳官之等蓋所從者開府儀同三司之秩而所採者輕車校尉等官之名故並列於此以資考覽

〔通典〕驍騎尉飛騎尉雲騎尉武騎尉並隋置爲文散官

作武散官  
通典誤

唐採置自上柱國以下並爲勳官

謹案隋置八尉後加爲十六尉皆爲武散官唐採其四以爲勳官其雲騎尉則卽今制之所由昉也考雲騎尉隋以前所無有而八尉之由設實始於漢武帝之八校武帝置中壘屯騎步兵越騎長水胡騎射聲虎賁等八校尉後漢則爲五校皆掌宿衛兵魏晉以下五校之名與後漢同惟後魏五校各置二十人此實隋八尉之所由始也唐雲騎尉之秩因帥都督而改而其名則因隋

職官表卷六十五  
之八尉故追溯其沿襲之由來者如此至唐勳官之上  
柱國柱國上護軍護軍驍騎尉飛騎尉武騎尉今皆不  
設而恩騎尉則出於

聖朝創制之特典逾格殊恩非復唐以來之所有故無從考  
證焉

### 五季

〔文獻通考〕封爵之差唐制王食邑五千戶郡王國公三千  
戶開國郡公二千戶縣公千五百戶縣侯千戶伯七百戶  
子五百戶男三百戶又有食實封者給緜帛每賜爵遞加  
一級唐末及五代始有特加邑戶而罷實封之給又去縣  
公之名封侯以郡

宋史職官志五代以來初敘勳官卽授柱國

謹案五代封爵之制不詳於史惟親王之封代必有之  
今據文獻通考所載則列爵九等與唐不異惟去縣公  
而以郡侯代之且罷實封之給耳又據敘勳卽授柱國  
之文則知勳官十二等非復唐代之制也

### 宋

宋史職官志司封郎中掌官封敘贈承襲之事列爵九等

曰王曰郡王曰國公曰郡公曰縣公曰侯曰伯曰子曰男

公國三等大國二十七次  
國二十小國二百二十

謹案宋史職官志又云爵一十二王嗣王郡王國公郡  
公開國公開國郡公開國縣公開國侯開國伯開國子

職官表卷六十五  
開國男所載與此文少異蓋其先定制而中葉則漸有變更也

宋史職官志司勳郎中參掌勳賞之事凡勳級十有二曰上柱國正二品曰柱國從二品曰上護軍正三品曰護軍從三品曰上輕車都尉正四品曰輕車都尉從四品曰上騎都尉正五品曰騎都尉從五品曰驍騎尉正六品曰飛騎尉從六品曰雲騎尉正七品曰武騎尉從七品率三歲一遷必因其除授以加之凡賞有格若事應賞從其所隸之司考實以報則必審核其狀以格覆之謂之有法酬賞非格所載參酌輕重擬定以上尙書省謂之無法酬賞若功賞未酬而賞格改易者輕從舊格重從新格

文獻通考政和中罷勳官淳熙末朝議欲復之以旌有功如貼職之比後亦不果行惟安南閩婆占城三國王始封加上柱國南丹州刺史加武騎尉焉

文獻通考宋又採秦制賜民爵曰公士

端拱元年賜諸州高年一百二十七

人爵公士景德中福建民有擒獲強盜者當授鎮將以遠俗非所樂並賜公士自後率爲例

岳珂愧郗錄階散勳官前世合於一至唐則析而爲二階勳功臣檢校唐析於四而宋則合於一隋置上柱國至都督總十一等以酬勤勞置六品以下散官八郎爲正階八尉爲從階柱國等號本以酬勞武騎諸稱並同郎位至唐一歸之於勳官則階散也勳官也唐雖因隋而所用未嘗因隋是謂前世合於一而唐則析爲二唐之有功者或敘

階或賜勳或加以檢校或寵以名號而又申之以封爵重之以實封宋制每一遇郊官至某則加功臣若干字勳若干級進階若干等徹國若干戶並舉而與之故世但以爲煩而不見其用是謂唐析於四而宋則合於一所以神宗獨斷而盡去之也

謹案勳官與授爵本不相同唯其分職遞轉爲制有相近者故著其稱名之始唐代設此蓋祇以爲階散之互用至宋而遇郊錫賚進級紛紜不以爲酬功之等而以爲濫賞之資其爲失又殊甚矣岳珂所載頗盡階勳分合之曲折而宋代濫賞之失亦可概見故節錄其文於此以資考證焉

遼

〔五世貞藝苑卮言〕遼之封爵惟有國王郡王國公三等郡名率以漆水柳城混作蘭陵亦如宋高密建安之類國名則屢進屢改有加至二國者其初宗室與勳戚無異道宗太康五年詔惟王子封一字王餘並削降遼之外戚多以功封非盡由恩也

金

〔王圻續文獻通考〕勳級遼無考

〔金史百官志〕封爵正從一品曰郡王曰國公正從二品曰郡公正從三品曰郡侯正從四品曰郡伯舊曰縣伯成安二年更正五品曰縣子從五品曰縣男凡勳級正二品曰上柱國從



職官表卷六十五  
二品曰柱國正三品曰上護軍從三品曰護軍正四品曰  
上輕車都尉從四品曰輕車都尉正五品曰上騎都尉從  
五品曰騎都尉正六品曰驍騎尉從六品曰飛騎尉正七  
品曰雲騎尉從七品曰武騎尉

元

續文獻通考元制王正一品郡王從一品國公正二品郡  
公從二品國侯正三品郡侯從三品國伯正四品郡伯從  
四品縣子正五品縣男從五品上柱國正一品柱國從一  
品上護軍正二品護軍從二品上輕車都尉正三品輕車  
都尉從三品上騎都尉正四品騎都尉從四品驍騎尉正  
五品飛騎尉從五品雲騎尉正六品武騎尉從六品

明

明史職官志凡爵非社稷軍功不得封封號非特旨不得  
與或世或不世皆給誥券

續文獻通考太祖下江左因勝國之舊為五等爵以贈勳  
臣及文武之死綬者其後有王公侯伯之典而罷子男洪  
武十七年奏定有封爵者給誥皆如一品之制惟公侯用  
玉軸伯子男犀軸

明史職官志稽勳掌勳級凡文勳十正一品左右柱國從  
治上卿從二品正治卿正三品資治尹從三品資治少尹  
正四品贊治尹從四品贊治少尹正五品修正庶尹從五  
品協正庶尹自五品以上歷再考乃授勳○武選掌功賞之事

凡武官六品其勳十有二正一品左右柱國從一品柱國  
正二品上護軍從二品護軍正

三品上輕車都尉從三品輕車都尉正四品上騎都尉從四品騎都尉正五品驍騎尉從五品飛騎尉正六品雲騎尉從六品武騎尉

謹案明初爲五等之爵後有王公侯伯而無子男既而仍設五等皆給誥券世襲凡襲封則徵其誥券稽其功過覈其宗支以第其世流降除之等吏部驗封司掌之此明代五等之制也至勳級則有文勳武勳之別考武勳盡從前代而文勳則別爲柱國卿尹之號核其要歸亦猶文散武散之義而已茲以列代沿襲之故並列於篇以考見異同之制焉又案世爵之制莫大於定功閥之大小以爲世襲之久近前代惟五等則有承襲其以軍功賜爵者類不及其子孫甚至唐封功臣爵至郡王

亦皆及身而止其子孫無聞焉至如列代之開國公侯亦祇美其名稱功非佐命亦從給予非實如周禮之分王功曰勳國功曰功也漢家賜爵紛紜東西京無代無之有普天下均賜一級者其間復令民得買爵而軍功之賞大者公侯卿大夫小者郎吏吏道雜而官職耗廢宋每遇郊祀錫賞勳爵無數以酬功之鉅典而僭濫用之殊不甚惜其敝甚矣其端皆由於爵制未定或多爲之節級以備賞賜或虛設其勳階以示褒寵而總無與於循名核實之義也我

朝自開國功臣世襲罔替其後有忠勤著績軍功異等者咸授以二十六等之爵列爵之等級卽爲世襲之等級

無有及身授爵而子若孫不得襲封者至於敘次軍功則以現任官職之大小計其立功之參等而分別除授戰功則有功牌之五等攻城則有難易之六等水戰則有奪舟之三等陣亡授爵則自雲騎尉至輕車都尉兼一雲騎尉有差皆計功覈實澤及子孫無或有虛錫之爵公侯伯既衰以美名其有勳績懋著復特承

諭旨既俾得世襲罔替其已得世襲之爵又以軍功得封合爲一爵者一等男以下按次承襲至一等男以上則均爲世襲罔替

皇上復優念陣亡之後襲次已畢復錫恩騎尉以傳之永久班爵既定較如畫一而

隆恩所逮有加無已以視前代襲爵不分大小勳官徒爲虛設者品制之詳明德澤之宏遠誠不可以道里計矣

欽定歷代職官表卷六十五

太倉錢清貽初校  
番禺陶紹學覆校  
番禺陶福祥再覆校

欽定歷代職官表卷六十六

聖賢後裔世職併衍聖公官屬表

衍	聖	公
漢	<small>漢成侯成侯</small>	
漢	<small>漢成侯成侯</small>	
三國	<small>宗聖侯</small>	
晉	<small>宗聖侯</small>	
宋	<small>梁陳</small>	
魏	<small>夫</small>	
齊	<small>夫</small>	
隋	<small>夫</small>	
唐	<small>夫</small>	
宋	<small>夫</small>	
遼	<small>夫</small>	
金	<small>夫</small>	
元	<small>夫</small>	
明	<small>夫</small>	

職官表卷六十六 聖賢後裔世職

廣雅書局刊

翰林院五經博士 世襲太常寺博士

職官表卷六十一 併衍聖公官屬

子思書翰林院  
院山長五經博  
士

太常博  
士

世襲國子監學錄 世襲國子監學正

尼山洙尼山洙  
泗二書泗二書  
院山長院學錄

國子監  
學正

職官表卷六十一 併衍聖公官屬

廣雅書局 宋









孔氏北宗一人掌奉中庸書院祀南宗一人掌奉衢州孔子廟祀元聖周公復聖顏子宗聖曾子亞聖孟子先賢仲子閔子冉子伯牛冉子仲弓端木子言子卜子顓孫子有子周子明道程子伊川程子張子邵子後裔各一人朱子後裔二人先儒韓子後裔一人關氏後裔二人各掌奉其先世之祀孔氏北宗以衍聖公次子承襲餘並以嫡子襲孔氏顏氏曾氏孟氏東野氏仲氏閔氏冉氏端木氏卜氏言氏顓孫氏有氏博士十五人屬於衍聖公餘各就其家除授有關則督撫核明應襲之人咨部題請承襲

聖裔太常寺博士一人 正七品世襲

掌奉聖澤書院祀以衍聖公第三子承襲

聖裔國子監學錄二人 正八品

一奉尼山書院祀一奉洙泗書院祀並由衍聖公於族內選用

聖裔國子監學正一人 正八品世襲

掌奉儀封聖廟祀順治八年衍聖公奏准世襲如故

聖裔世襲六品官一人

掌分獻崇聖祠

國初仍前代曲阜用孔氏世職知縣乾隆六年山東巡撫白鐘山言曲阜知縣向由衍聖公保舉選用每多瞻徇請在外揀選調補不必拘用孔氏奉

旨允行以現任世職知縣授為世襲六品官遇有缺出揀選調

補悉照執事官之例

四氏學教授一人正七品 學錄一人正八品

教授掌訓課孔顏曾孟四氏生徒以學錄文行兼優歷俸六年者陞補學錄掌副教授訓迪生徒而敎公之子弟於孔氏歲貢廩生捐貢及廩生內選用初教授學錄止由衍聖公保舉咨部除授乾隆二十六年山東布政使奏定令衍聖公將揀選應補人員移送撫臣驗看送部具題  
聖廟執事官四十人三品二人四品四人五品六人七品八人八品十人九品十八人  
掌凡祭祀分獻及霄帛香祝之執事雍正四年

特旨增設各按品級給章服著衍聖公於孔氏子孫內選擇人品

端方威儀嫻雅者報部充補每年各給俸祿銀二十兩或

曾經出仕而退休在籍或身有職銜而未嘗出仕以及貢監生童等皆可入選

司樂一人奎文閣典籍一人屯田管勾一人並正七品林廟守衛司

百戶一人秩視衛守備知印一人掌書一人書寫一人奏差一人隨

朝伴官六人並正七品

司樂掌樂章樂器而敎肄樂生典籍掌奎文閣書籍及禮生管勾掌祀田錢穀之出入祭祀則供其牲牲案盛治膳羞醢醢之屬其屬有屯官八員鉅野鄆城平陽各二人東阿獨山二屯各一人分掌五屯以供祀事百戶掌陵廟之戶籍供其酒埽戶役之事主守禮器祭祀則司滌濯掌犧牲之宰割自司樂以下分職治事凡四司知印掌書書寫

掌公府文書信印奏差掌齋衍聖公表箋章奏隨朝伴官  
掌隨從衍聖公朝覲辦事初無常員遇朝覲輒咨部給銜  
乾隆十五年始額定六員以上官皆由衍聖公保舉咨部  
補授

歷代建置

漢

山東通志孔子九世孫騰漢高帝過魯封為奉嗣君一云

奉聖君謹案奉嗣闕里文獻考作奉祀疑此有傳訛

闕里文獻考孔氏世嫡自漢高帝過魯封九世孫騰為奉

祀君始創推恩之例

漢書孔光列傳元帝即位徵孔霸以師賜爵關內侯食邑

八百戶號褒成君霸上書求奉孔子祀元帝下詔曰其令

師褒成君關內侯霸以所食邑八百戶祀孔子焉

荀悅漢紀元始元年封周公後公孫相如為褒魯侯孔子

後孔均為褒成侯追謚孔子為褒成宣尼公

漢書平帝本紀元始元年封孔子後孔均為褒成侯奉其

祀

漢書恩澤侯表褒成侯均以褒成烈侯霸曾孫奉孔子後

侯

謹案孔騰奉祀之封不見於史通典敘聖裔封爵始於

孔霸然霸自以帝師蒙恩非由先聖得封如前此尚有

蓼侯聚矣至元始褒成之侯是為尊崇先聖後裔世爵

之始

袁宏後漢紀建武五年封孔子後孔安為殷紹嘉公十三年殷紹嘉公為宋公周承休公為衛公十四年夏四月辛巳封孔子後孔志為褒成侯

後漢書光武帝本紀建武十四年封孔子後志為褒成侯後漢書儒林列傳世祖封均子志為褒成侯志卒後子損嗣永元四年徙為褒亭侯世世相傳至獻帝初國絕

洪适隸釋後漢魯相乙瑛置孔子廟卒史碑司徒臣雄司空臣戒稽首言魯前相瑛言詔書崇聖道勉六藝孔子作春秋制孝經演易繫辭經緯天地幽贊神明故特立廟褒成侯四時來祠事已即去廟有禮器無常人掌領請置百

石卒史一人典主守廟春秋饗禮則出王家錢給犬酒直臣愚以為如瑛言可許制曰可永興元年魯相平行長史事卞守長擅言詔書為孔廟百石卒史一人掌主禮器選年卅以上經通一藝雜試能奉宏先聖之禮為宗所歸者謹案文書守文學掾魯孔龢師孔憲戶曹吏孔覽等雜試龢修春秋嚴氏經通高第事親至孝能奉先聖之禮為宗所歸除龢補名

謹案後漢書儒林傳永元四年褒成侯損徙封褒亭侯然魯相乙瑛立卒史碑韓敕造孔子廟禮器碑史晨祠孔子廟碑皆稱褒成之封瑛碑立於永興元年敕碑立於永壽二年晨碑立於建寧二年皆在永元之後是損

未嘗徙封傳之誤爾

三國

〔三國魏志文帝本紀黃初二年詔以議郎孔羨為宗聖侯邑百戶奉孔子祀令魯郡修起舊廟置百戶吏卒以守衛之〕

〔隸釋魏魯孔子廟碑黃初元年大魏受命以魯郡百戶命孔子二十一世議郎孔羨為宗聖侯令魯郡修起舊廟置百戶吏卒以守衛之洪云魏志黃初二年正月詔以議郎孔羨為宗聖侯奉孔子祀令魯郡修起舊廟置吏卒守衛碑云元年史作二年誤也後漢書孔僖傳注以羨為崇聖侯亦誤也〕

謹案黃初宗聖之封史以為二年碑以為元年或據碑謂史誤非也文帝受禪在建安二十五年十一月越二月即為二年碑因孔羨之封追本受禪之事而言之爾至百戶吏卒即漢之百戶卒史史作百戶則其誤無疑但漢卒史乃吏名而魏志及碑皆作吏卒則有不可曉者

晉

〔晉書武帝本紀泰始三年徙宗聖侯孔震為奉聖亭侯太元十一年秋八月庚午封孔靖之為奉聖亭侯奉宣尼祀宋齊梁陳〕

〔宋書禮志奉聖亭侯孔亭五世孫繼之替慢不祀宋文帝〕

元嘉八年有司奏奪爵至十九年又授孔隱之兄子熙先謀逆又失爵二十八年更以孔惠雲為奉聖侯後有重疾失爵孝武大明二年又以孔邁為奉聖侯

宋書文帝本紀元嘉十九年詔奉聖之嗣速議繼襲魯郡民孔景等五戶居近孔子墓側蠲其課役供給洒掃

謹案漢始置孔氏守廟百石卒史至宋時但給洒掃戶則百石卒史意晉時亦不復置矣明始以洒掃戶有才德者充林廟守衛百戶則洒掃戶雖非官而歷代相承實林廟守衛司百戶所由始故附載其事以著緣起而表則不列其後來所設之洒掃戶亦不瑣載焉

南史梁敬帝本紀太平二年詔求魯國孔氏族為奉聖侯  
南史陳廢帝本紀光大元年以儀同三司兼從事中郎孔英哲為奉聖亭侯奉孔子祀

北魏

北史魏孝文帝本紀延興三年詔以孔子二十八世孫魯郡孔乘為崇聖大夫給十戶以供洒掃太和十九年幸魯城親祠孔子廟詔拜孔氏四人顏氏二人為官又詔選孔氏子孫一人封崇聖侯邑百戶以奉孔子祀

謹案文獻通考後魏封孔子二十七葉孫乘為崇聖大夫孝文太和十九年改封二十八葉孫珍為崇聖侯與北史孝文紀以孔乘為二十八世孫互異又考太和十九年詔拜顏氏二人為官是為褒錄顏氏之始

北齊

北史齊文宣帝本紀天保元年詔改封崇聖侯孔長為恭聖侯邑一百戶以奉孔子祀

馬端臨文獻通考北齊改封三十一代孫為恭聖侯

後周

北史周宣帝本紀大象二年詔進封孔子為鄒國公邑數准舊立後承襲

隋

文獻通考隋文帝仍舊封孔子後為鄒國公煬帝改封為紹聖侯

隋書煬帝本紀大業四年詔立孔子後為紹聖侯

唐

唐書禮樂志高祖武德九年封孔子之後為褒聖侯

杜佑通典唐貞觀十一年封孔子裔德倫為褒聖侯神龍初授褒聖侯崇階朝散大夫仍許子孫傳襲

新唐書禮志武后天授元年封孔子為隆道公神龍元年以鄒魯百戶為隆道公采邑以奉歲祀子孫世襲褒德侯

舊唐書元宗本紀開元二十七年追贈孔宣父為文宣王褒聖侯改封文宣公

關里文獻考三十五代孫璿之唐元宗開元二十七年詔謚孔子曰文宣王以其嗣為文宣公任長吏代代勿絕三

十六代萱襲封文宣公兼兗州泗水令三十七代齊卿唐

德宗建中三年襲封文宣公兼兗州功曹三十八代惟睦  
憲宗元和十三年襲封文宣公授兗州參軍三十九代策  
明經及第授曲阜縣尉襲封文宣公四十一代昭儉襲封  
文宣公兼曲阜令

劉肅大唐新語自漢魏以來歷代皆封孔子後爲褒成侯  
或號褒聖侯至開元二十七年詔冊孔子爲文宣王其嗣  
褒成侯改封文宣公令右丞相裴耀卿攝太尉持節就國  
子監冊命訖有司奠祭樂用宮懸八佾之舞詔曰宏我王  
化在乎儒術皆發揮此道啟迪含靈則生人以來未有如  
夫子也所謂自天攸縱將聖多能德配乾坤身揭日月故  
能致天下之太平成天下之大經美政教移風俗君君臣

臣父父子子人到於今受其賜不其猗歟文多不盡載

〔山東通志〕四十一代昭儉襲封文宣公累宰曲阜子光嗣  
哀帝天祐二年授泗水令林廟主

謹案呂兆祥陋巷志載唐德宗貞元六年南郊赦書節  
文授四十一代孫頽五品正員官文宗以四十三代孫  
覽爲殿中侍御史宏式爲同州參軍皆推恩聖裔特加  
敘錄非官制之常故今刪不錄

五季

〔山東通志〕光嗣爲灑掃戶孔末所害末自爲曲阜令光嗣  
子仁玉育於外家長訴於朝乃誅末後唐時以仁玉襲封  
文宣公



闕里文獻考孔氏子孫為曲阜縣令昉於唐咸通間續至後唐始以文宣公兼之四十三代仁玉孔末之亂生甫九月匿於外家後唐明宗長興元年魯人訴於朝乃誅末以公主孔子祀授曲阜主簿三年選龔邱令封文宣公晉高祖天福五年改曲阜令後周太祖廣順二年詔以曲阜令兼監察御史

呂北祥陋巷志後周太祖廣順二年駕幸曲阜詔顏子之後以四十六代孫涉授曲阜縣主簿

謹案此事雖於官制無關然歷代卒以世爵崇孔氏而褒錄諸賢後裔者明以前不數見故亦存之以著緣起

宋

文獻通考太祖乾德四年以文宣王四十四代陵廟主進士孔宣為兗州曲阜縣主簿太宗太平興國三年孔宣可授太子贊善大夫襲封文宣公天禧元年以文宣王四十六代孫光祿寺丞聖佑襲封文宣公

宋史祖無擇列傳至和二年上言開元諡孔子為文宣王以其後為文宣公以祖之美諡而加後嗣不經甚矣乞明詔有司詳求古制別定美號於是下近臣議改為衍聖公宋史哲宗本紀元祐元年改封孔子後為奉聖公不預他職

謹案聖裔封號前代更易不一而衍聖公之號始於宋至和二年至元祐又改為奉聖旋又復舊自是以後相

承不改焉

闕里文獻考元張頌廟學記孔子舊宅因廟建學昉於魏之黃初其閒興廢不常有宋大中祥符三年殿中丞公自牧奏就廟側創學帝曰講學道藝貴近廟庭當許於齋廳內說書乾興元年孫宣公守兗州於廟建學請以楊光輔爲講書奉禮郎始賜學田元祐四年尹復泰以文潞公薦爲教授給田二十頃以贍生員選任教導其重如此要必以講六經之道傳聖人心法爲職而小學之教節目纖悉宜有分任其事者考之碑刻則學正錄皆孔氏子孫爲之蓋當時乃教授自署毋亦選擇而使以寓激勸與抑因其親愛俾帥幼而入學者與

山東通志宋真宗大中祥符二年就廟建學以訓孔氏子孫哲宗元祐元年置教授一員於舉到文官內差或委本路監司保舉有行義人充令教訓本家子弟尹復泰以文潞公薦爲教授本年又置學錄一員

謹案此條所載教授學錄緣起較張頌記爲詳故互見以備考

闕里文獻考明劉健重修三氏學記闕里三氏學建於宣聖廟之東南以教孔顏孟三氏子孫廟之建其來遠矣學則自宋大中祥符間始考厥初止以教孔氏子孫其後益以顏孟二氏蓋自元祐閒始

山東通志宋真宗改曲阜爲仙源縣仁宗皇祐三年詔自

今仙源縣官復於孔氏子弟中選用徽宗崇寧間又詔文宣王後常聽一人住兗州仙源縣官有丞有簿有尉大抵皆世職也

山東通志孟子四十五代孫寧宋仁宗景祐四年孔道輔薦於朝授鄒縣主簿奉孟子祀

謹案此為哀錄孟氏之始又闕里文獻考載宋真宗天禧五年詔於夫子後選差朝官一人監督孔氏廟役時道輔以知仙源縣充徽宗崇寧二年詔文宣王家選親族一人判司簿尉事即以家長承襲元代由省臣擇孔氏中廉幹者一人委充提領監修官依族長授八品冠帶蓋沿其制明初猶以翰林檢閱官孔涇為族長其後

衍聖公自擇族人為之始無品秩其提領監修官明初改為提領林廟事亦無品秩沿襲至今

國朝則族長沿舊名而提領林廟事改稱林廟舉事亦均無品秩且既設聖廟執事官即以執事官兼此二事不復專設故今不載於表中而於勘置之初附載其源流如此

遼未置

謹案遼史不載孔氏世爵亦無先賢之裔蒙哀錄者蓋聖裔聚族於山東而諸賢之裔亦皆居宋地故也

金

金史熙宗本紀天眷三年以孔氏四十九代孫璠襲封衍

聖公

闕里文獻考金廟學教授章宗明昌元年敕於四舉五舉終場進士出身人內選博學經史眾所推服者充秩正八品○元張頴廟學記金氏因之虞賜教育有加無替○金熙宗皇統間仍改仙源為曲阜章宗承安二年敕衍聖公年及十七許兼曲阜令不許別行差占○金党懷英重修至聖文宣王廟碑廟有層閣以備庋書詔以奎文名之謹案此為奎文閣賜名之始至元乃設官以典之

王圻續通考章宗明昌三年四月詔曰衍聖公秩視四品階正八品不稱可超遷中議大夫永著於令

元

元史太宗本紀五年詔以孔子五十一世孫孔元措襲封衍聖公

元史孔思晦列傳孔氏族人相與議思晦嫡長且賢宜襲封爵奉祠事狀上政府事未決仁宗親取孔子譜牒按之曰以嫡應襲封者思晦也復奚疑特授中議大夫襲封衍聖公月俸百緡加至五百緡賜四品印泰定三年山東廉訪副使王鵬南言襲封上公而階止於四品於格弗稱明年升嘉議大夫至順二年改賜三品印

闕里文獻考元王思誠子思書院學田記鄒之中庸精舍卽沂國公授受故址而為之延祐二年朝廷改為子思書院設山長以司訓導○元潘迪子思書院新廟記中庸精

舍大德間宋尹彰擴爲書院請額設官朝廷允之許立子思書院置山長一員職視大庠校官

山東通志尼山書院在尼山之麓實毓聖之區也元至順二年衍聖公孔思晦請設尼山書院山長本年以彭璠爲山長璠卒以益都路馬猶子爲山長洙泗書院在孔林之東孔子自衛反魯與弟子講道於洙泗之上魯記所載孔子講堂卽此也元時創建請額至順二年衍聖公孔思晦請設山長聽衍聖公保族人之賢者任之

闕里文獻考元虞集尼山創建書院記至順三年衍聖公思晦用林廟管勾簡實理言請復尼山祠廟置官師奉祠薦彭璠可用至元二年中書左丞王公懋德率同列執政者白丞相置尼山書院以璠爲山長

山東通志元世祖中統初詔立曲阜廟學選師儒充教授正錄各一

闕里文獻考元呂思誠加封啟聖王碑世祖龍飛車馬混一自上都大都及天下郡邑立廟學曲阜林廟尤加修崇於是定襲封之嗣除孔氏一人尹曲阜縣

山東通志金元常以衍聖公知縣事故有世襲縣尹武宗至大二年設曲阜廟學典籍一員仁宗延祐七年遣說書王存義赴曲阜以太牢祀孔子是年爲聖廟設司樂一員管勾一員

闕里文獻考掌書設自元成宗元貞二年

明

明史儒林列傳洪武元年命孔希學襲封衍聖公置官屬  
曰掌書曰典籍曰司樂曰知印曰奏差曰書寫各一人立  
孔顏孟三氏教授司教授學錄學正各一人立尼山洙泗  
二書院各設山長一人又命其族人希大為曲阜世襲知  
縣

明史職官志衍聖公孔氏世襲正二品袍帶誥命朝班一品洪武元年授孔子五十

六代孫希學襲封其屬掌書典籍司樂知印奏差書寫各一人以

流官曲阜知縣孔氏世職洪武元年授孔子裔孫翰林院

世襲五經博士正八品孔氏二人正德元年授孔子五十九

孔端友從高宗南渡家於衢州此孔氏南宗也正德二年授孔聞禮奉子思廟祀顏氏一人景泰三年

授顏子五十嘉靖十八年授曾曾氏一人子六十代孫質粹仲氏一人萬曆

九世孫希惠孟氏一人景泰三年授孟周氏一人景泰七年

裔孫仲呂程氏二人景泰七年授先儒程頤裔孫克仁邵氏

孫冕張氏一人天啟二年以先儒張朱

氏二人景泰六年授先儒朱熹裔孫挺嘉靖教授司教授

從九品學錄學司並未入流孔顏曾孟四氏各一人又尼山洙泗

二書院各學錄一人先是元代封孔子後裔為衍聖公賜

三品印洪武元年太祖既以孔希學襲封衍聖公因詔禮

臣曰孔子萬世帝王之師而其後嗣止三品弗稱衰崇其

授希學秩二品賜以銀印

闕里文獻考四氏學學錄宋元祐始置當時尙有學正一

職官表卷六十六 聖賢後裔世職 廣雅書局采

員與學錄同以孔氏充而令教授自署金元閒閒用異姓  
正錄秩皆九品明洪武七年裁學正止設學錄一員秩未  
入流宣德元年定以聖裔任令衍聖公保舉孔氏年德俱  
尊學問優長者咨部除授

〔山東通志〕聖澤書院孔子宰中都處也明設太常博士一  
員以主祀事以衍聖公三子承襲

〔關里文獻考〕尼山書院洙泗書院元順帝至正二年初設  
山長以異姓碩儒任後令衍聖公保舉族人之賢者為之  
明武宗正德二年改名學錄秩從九品

〔山東通志〕唐哀德侯孔德倫在河南寧陵勅建祖廟明正  
統九年詔遷廟於儀封嘉靖十四年特授聖裔為國子學

正專主祀事

〔關里文獻考〕唐天寶間文宣公避亂遷居寧陵者數世遂  
於其地建立聖廟後以子孫流寓寧陵者主其祀事會河  
圯遷居儀封明正統九年詔即於儀封立廟嘉靖十四年  
始置官以孔繼寅為學正秩正九品令世襲

謹案太常博士及國子監學正二官明史職官志及儒  
林傳皆不載

〔關里文獻考〕明劉健重修三氏學記關里三氏學洪武始  
定名為孔顏孟三氏教授司教授學錄各一員學錄即以  
孔氏子孫為之。三氏子孫教授司萬厯年間增入曾氏  
又改名四氏學。元仁宗延祐三年衍聖公兼曲阜尹思

誠以非嫡罷職專尹曲阜其子克欽孫希大皆世襲縣尹明洪武七年希大坐事罷職因改世襲爲世職令衍聖公保舉族人之賢者送部選授領刺赴任。漢魯相乙瑛以孔子廟有禮器無人掌領請置百石卒史一人掌之後世以其管轄洒埽百戶其官遂爲百戶又以職司巡徼有武備焉合典籍司樂管勾等三員爲兵農禮樂四司始用孔氏後以生員明宏治間始以洒埽戶才德兼優者充之止由衍聖公委用不由部銓注

山東通志山東巡撫方大猷請崇聖賢以培人才疏衍聖公屬官員役明洪武元年設管勾一員司五屯錢糧司樂一員司樂舞生典籍一員司禮生書籍掌書一名司文移

書寫一名司繕寫知印一名司印務奏差一名司差遣以上皆由衍聖公保舉堪用人數咨部銓用

關里文獻考知印書寫並明洪武二年建隨朝伴官洪武十七年設

謹案聖裔世爵始自西漢若餘官則後漢始置百戶卒史然至晉時已廢後魏孝文嘗官孔氏顏氏而亦未聞世襲也至唐末始以文宣公兼曲阜令宋時又置廟學教授自是歷代相承遞有增設更元及明置官漸備然四時將享主鬯者雖膺上公之封而駿奔者不皆服官之侶至

國朝設六等執事官然後牽牲贊采章絃焜煌先聖祀典



於是有光真足以補前朝之闕典矣至曲阜世職知縣明隆慶時御史趙可懷已有舉用非人民受其殃之奏而因循不廢者徒以此為報先師之盛意而無術以善處之爾今以曲阜知縣改授世職六品官品職視舊為崇而無民社之責為職事之所不及尊師重道之意通變宜民之術並行不悖斟酌盡善尤為前代之所不及也

太倉錢清貽初校

番禺陶紹學覆校

番禺陶福祥再覆校

欽定歷代職官表卷六十六

欽定歷代職官表卷六十七

師傅保加銜表

太師	太傅	太保	太師	太傅	太保
魏	秦	漢	漢	漢	漢
魏	晉	晉	晉	晉	晉
宋	齊	梁	陳	魏	魏
齊	齊	齊	齊	齊	齊
隋	隋	隋	隋	隋	隋
唐	唐	唐	唐	唐	唐
宋	宋	宋	宋	宋	宋
遼	遼	遼	遼	遼	遼
金	金	金	金	金	金
元	元	元	元	元	元
明	明	明	明	明	明

職官表卷六十七 師傅保加銜表

廣雅書局



師傅保加銜

國朝官制

太師太傅太保正一品少師少傅少保從一品太子太師太子太傅

太子太保從一品太子少師太子少傅太子少保正二品

以上皆虛銜無職掌亦無員額凡大臣宣力中外勞績懋著者則奉

特旨加銜或為

贈典以示優寵焉

歷代建置

謹案太師太傅太保古謂之三三公其貳稱三孤必得其人而後授之無其人則寧闕故曰官不必備惟其人也

後漢每一帝即位必置太傅錄尚書事參預政柄非古義矣其餘各代皆以師傅稱上公位三公上多以他官兼領或不備置三少則或不置元魏始稱三師其實一也若東宮師傅代各殊制亦多以他官兼領者唐天寶以前凡三師官雖有其位而無其人其後多以畀藩鎮得之者或不以為榮宋政和新制改三師為三公與三孤多為階官而東宮六傅領以宰執大臣然三公之濫授莫甚於宣和之際其名尤多不正如鄆王楷以唱名第一超拜太傅景王杞濟王栩並以國公進太傅是以子為師傅也內侍童貫拜太傅進太師是以厮役為師傅也嗣是而緇衣黃冠亦間崇以師傅之號而典章掃地盡矣明制三公三孤俱為勳戚文武大臣加官贈官而東宮師傅亦無定員無專授然明世文臣多不敢居三公之位而東宮師傅類以累考或恩澤得之亦非慎重名器之意今詳考歷代之得失並著於篇然後知我國家參取古制用為加銜無專權干政之虞無循資濫授之弊立法之善為前代所不及也

### 三代

禮記文王世子記曰虞夏商周有師保鄭康成註記所云謂天子也

謹案韓詩外傳三公者何曰司空司徒司馬司馬主天司空主地司徒主人今尚書歐陽夏侯說天子三公一

日司徒二日司馬三日司空文子堯之治天下也舜爲  
司徒契爲司馬禹爲司空注三公之官淮南子說苑並  
同尙書刑德考曰益爲司馬禹爲司徒禹爲司空三公  
象三台月令疏云書傳有司馬司徒司空公領三卿此  
夏制也是虞夏以前以司徒司馬司空爲三公矣古周  
禮說天子立三公曰太師太保太傅五經異義云周公  
爲傅召公爲保太公爲師周公太公無爲司徒司空之  
文知師保傅三公官名也五帝三王不同物此周之制  
也然則許慎謂五帝三王惟周以師保傅爲三公周以  
前則有異今據文王世子虞夏商周有師保則五帝三  
王並如古周禮說不特周有師保也又考路史後紀黃

帝紀乃立四輔三公六卿三少二十有四官

案靈樞經有黃帝問

少師之文與羅泌之說合是書雖出僞託然實採掇諸書而成亦必依附古義知舊籍所載黃帝嘗有是官也

又云陶唐氏立三公六卿百揆暨百執事然則虞夏商周之前已有師保明矣非至虞夏商周始創此官也

杜佑通典殷太甲時伊尹爲太保

謹案環濟要畧曰三公太師太傅太保也殷時有阿衡伊摯佐之太甲改爲保衡皆三公官也又詩長發篇鄭康成箋曰阿衡湯所依倚而取平也故以爲官名太甲時曰保衡書君奭篇孔安國傳曰伊尹爲保衡言天下所取安所取平均與杜佑以保衡爲太保立義各異以今考之古人所稱有官有號伊尹之稱阿衡當由湯倚

任至重加以殊名如周之有師尙父非商設有此官以  
伊尹充之也洎乎太甲之世則以伊尹爲太保遂兼其  
官而稱之謂之保衡亦如唐宋宰相出鎮稱使相宰相  
封公稱公相兼二名而言之非至太甲之世又改名保  
衡也故書稱罔俾阿衡專美有商詩稱實維阿衡實左  
右商王皆不出伊尹之名姓而後人知爲伊尹以爲伊  
尹之專號故也使阿衡爲商代之官名豈有專歸一人  
以爲稱謂者哉今從禮記杜佑之說定商惟有太保而  
阿衡之名表中亦刪不錄焉

尙書盤庚邦伯師長孔安國傳眾長公卿也孔穎達正義  
眾官之長故爲三公六卿也

尙書說命樹后王君公孔穎達正義三公則君公之內包  
之

尙書微子父師少師孔安國傳父師太師三公少師孤卿  
謹案漢官儀殷伊尹爲太保胥餘爲太師故文王世子  
註謂殷亦兼有師保墨子武丁得傅說舉以爲三公然  
則殷具三公明矣史記殷有太師疵少師彊抱其樂器  
以適周漢書古今人表亦同蓋皆樂官之長如論語之  
太師摯少師陽其官名與公孤偶同實非公孤之職謹  
附識於此

尙書周官立太師太傅太保茲惟三公論道經邦燮理陰  
陽孔安國傳師天子所師法傅相天子保保安天子于德  
義者此惟三公之任佐王論道以經緯國事和理陰陽

言有德者官不必備惟其人孔安國傳三公之官不備少員惟其人有德者乃處之

師少傅少保曰三孤孔安國傳此三公名曰三孤孤特也言卑于公尊于卿特置此三者

公宏化寅亮天地弼予一人孔安國傳副貳三公宏大化敬信天地之教以輔我一人

治之

謹案逸周書武寤解尹氏八士太師三公咸作有續神無不饗別太師於三公之外與周官之制異未足據也

尚書金縢二公曰我其為王穆卜孔穎達正義武王時三公惟周召與太公耳知二公是召公太公也

周禮卿老二鄉則公一人鄭康成註老尊稱也王置六卿則公有三人也三公者內與王論道中參六官之事外與六卿之教其要為民是以屬之卿焉

謹案康成大傳註一公兼二卿舉下以為稱太宰司徒

同職則稱司徒公宗伯司馬同職則稱司馬公司寇司

空同職則稱司空公考王置六卿六卿各領一鄉大傳

注謂公領二卿則一公領二鄉明矣與鄉老文可以互

證春秋傳宋立四鄉二師掌之二師猶天子三公也二

師掌四鄉則是一公領二鄉也尚襲周官鄉老之制而

孔安國書傳謂一公止領一卿豈一公止領一鄉乎未

足為據也

國語太保六之太師七之韋昭注太保太師天子三公佐王論汜監眾官不得掌事故次之

謹案國語此文但及太保太師不及太傅或徇農之事

太傅不與非無其職也太保太師次司徒蓋亦次徇農之先後非序官也

春秋公羊傳諸公者何天子三公天子三公者何天子之相也天子之相何以三自陝而東者周公主之自陝而西者召公主之一相處乎內是言三公爲二伯也

漢書百官公卿表周官太師太傅太保是爲三公蓋參天子坐而議政無不總統故不以一職爲官名又立三少爲之副少師少傅少保是爲孤卿記曰三公無官言有其人然後充之舜之于堯伊尹于湯周公召公于周是也

通典武王時太公成王時周公畢公爲太師成王時畢公爲太傅召公爲太保

謹案蔡氏沈謂周公方條治事之官未及師保之職所謂未及者鄭重而未及言之也然考詩大明維師尙父毛傳云師太師史記齊世家書太誓註並稱文王立太公望爲太師初學記通典又謂周武王時太公爲太師成王時周公爲太傅召公爲太保儀禮逸禮太公爲太師周公爲太傅召公爲太保史記周本紀成王卽位周公畢公並爲太傅書顧命孔傳云太保畢毛稱公則三公矣冢宰第一召公領之司馬第四畢公領之司空第六毛公領之則是閱文武成康之世三公不特具其職且並未嘗闕其人周公作周禮時似不應不及三公也然而周官載公孤於六卿之前周禮則不之及者周官



敘官之書故必首三公也周禮列六官之職三公無專職故不能不闕如也詩長發降于卿士實惟阿衡正義云三公兼卿士詩常武太師皇父正義云三公兼卿士之官竹書紀年殷王卽居亳其卿士伊尹然則三公類兼六卿六卿之職何一非三公之職耶六卿之職具而三公之職亦具矣大司徒敘官曰鄉老二鄉則公一人此三公之兼職也職無可名故公孤不列於六卿之前職有可名故二公並繫于司徒之屬此周公著作之體也

禮記文王世子凡三王敘世子必以禮樂立太傅少傅以養之欲其知父子君臣之道也太傅審父子君臣之道以示之少傅奉世子以觀太傅之德行而審諭之太傅在前少傅在後入則有保出則有師

漢書賈誼列傳成王幼召公爲太保周公爲太傅太公爲太師保保其身體傅傳之德義師道之教訓此三公之職也於是爲置三少皆上大夫也曰少師少傅少保是與太子宴者也

謹案文王世子所引記曰虞夏商周有師保有疑丞設四輔說者曰天子必有四隣作記者取以成世子之記考尙書大傳曰天子必有四隣前曰疑後曰丞左曰輔右曰弼大戴禮曰應而不窮者謂之道輔善而相義者謂之充絜廉而切直者謂之弼博問強記者謂之丞注

道或謂之疑充或謂之輔是所謂四輔也然賈誼所稱三公三少卽今周官所載非別爲東宮官屬故後漢翟醜傳亦云昔成王之政周公在前召公在後畢公在左史佚在右四子挾而維之目見正容耳聞正言一日卽位天下曠然言其法度素定也蓋王之師保疑丞卽世子之師保疑丞而非別設其官以教之也若大戴所記謂周公在前太公在左召公在右史佚在後而翟醜云云語各不同則傳聞各異耳

周禮地官師氏中大夫一人上士二人掌以媿詔王以三

德教國子鄭康成注國子公卿大臣之子弟師氏教之而世子亦齒焉保士下大夫一

人中士二人註書序曰周公爲師召公爲保掌養國子以

道乃教之六執

謹案文王世子所載以太傅少傅爲重而師保則附言賈誼所述直以太保太傅太師屬之召公周公太公而以爲太保太傅太師爲三公以三少爲上大夫皆與此文迥異蓋周禮至漢武帝時始出文王世子及賈誼疏皆在其前故傳聞異詞核實而論師氏似專掌教授如之內廷保氏似專掌調護如今之太保太傅太師少保少傅少師則統領其事如今之總師傅其官有尊卑其任有專司兼攝而所職則大畧相同互相出入故諸儒所記各舉其一端似相迕而實相足康成保氏註引書序周公爲師召公爲保相成王爲左右聖賢兼此官昔人謂太

師太保康成誤以師氏保氏當之今考經典釋文君奭序保太保也師太師也馬云保氏師氏皆大夫官則康成保氏注乃本馬融君奭註也師氏保氏不得當太保太師故書牧誓亞旅師氏次在司徒司馬司空之後孔安國傳云師氏大夫官願命師氏虎臣次在太保奭芮伯彤伯畢公衛侯毛公之後孔安國亦云大夫官是也中大夫之與三公康成何至混而為一蓋康成原不以師氏為太師保氏為太保特謂周公為太師亦兼師氏之職召公為太保亦兼保氏之職以相成王也成王沖齡踐阼尚不得闕國子之教故三公復充師氏保氏之任保氏註明云兼此官既云兼此官則非即此官明矣

鄭註未嘗合而為一也

秦

章如愚山堂考索秦制闕三師之位

通典太子師保二傅殷周已有逮乎列國秦亦有之

謹案秦之太子師傅見於史記商君列傳然秦使太子扶蘇北監蒙恬兵于上郡而以趙高傅公子胡亥教之決獄然則所謂太子師傅者其失職也久矣又孔叢子載陳勝以孔鮒為太師蓋沿用古制偶立斯名非秦有是官故不著焉

漢

漢書百官公卿表太傅高后元年初置金印紫綬後省八

職官表卷六十七

師傅保加銜

廣雅書局采

年復置後省元壽二年復置位在三公上太師太保皆元始元年置金印紫綬太師位在太傅上太保次太傅

謹案漢志太傅位在三公上考漢紀永光三年太傅韋元成爲御史大夫御史大夫位在太傅下以太傅爲御史大夫在當時並非左遷豈以太傅位雖尊而御史大夫職特重歟又漢紀武帝紀載元狩五年太子太傅嚴青翟爲丞相太傅止爲御史大夫而太子太傅乃爲丞相然則當時雖設師傅而遷除他官不甚拘拘于太少之秩次也

漢紀平帝紀大司徒孔光爲太傅左將軍甄豐爲少傅元始元年太傅孔光爲太師車騎將軍王舜爲太保大司空

左將軍甄豐爲少傅

宋書百官志太師漢初不置平帝始復置太師官而孔光居焉東京又廢獻帝初復置後又廢太傅漢高后元年初用王陵太保平帝元始元年始用王舜後漢不置

謹案苟悅漢紀高祖紀有太保叔孫通固諫之文然則高祖時已有太保而漢書百官公卿表謂元始元年始置宋百官志謂平帝元始元年始用王舜與漢紀異

漢書孔光列傳爲帝太傅位四輔馬宮列傳四輔爲國維

綱

謹案漢又置少傅甄豐爲少傅與太師太傅太保並爲四輔然百官表不載蓋王莽更制所立非定制也

漢書百官公卿表太子太傅少傅皆秩二千石

謹案漢太子二傅屬官有太子門大夫庶子先馬舍人  
今析入詹事府表內此不具載

後漢書百官志太傅上公一人掌以善導無常職世祖以  
卓茂為太傅後省其後每帝初即位輒置太傅錄尚書事  
謹案續漢書稱每帝即位輒置太傅一人錄尚書事今  
考袁宏後漢紀光武中元二年明帝即位以鄧禹為太  
傅明帝紀永平十八年章帝即位以趙熹為太傅章帝  
紀章和元年和帝即位以鄧彪為太傅和帝紀元興元  
年殤帝即位張禹為太傅安帝紀建光四年北鄉侯即  
位以馮石為太傅順帝紀永建元年以桓焉為太傅靈

帝紀建寧元年以陳蕃為太傅又以胡廣為太傅中平  
六年獻帝即位以袁隗為太傅其中惟質帝紀桓帝紀  
未見立太傅之文而靈帝紀則兩立太傅與司馬彪所  
云微有不同考魯相史晨祠孔廟奏銘云時副言太傅  
太尉司徒司空大司農府治所部從事列太傅於太尉  
之上後漢書樊準傳永和初上書五府調省中都官吏  
注云太傅太尉司徒司空大將軍虞詡傳詡曰宜令四  
府九卿三公也註云太傅太尉司徒司空凡稱五府四  
府皆首列太傅於此見漢之太傅重于三公也

通典後漢惟有太傅一人而無師保董卓自稱太師非漢本制  
謹案後漢書趙典傳曰公卿表典篤學博聞宜備國師

說者以為國師即太師然則後漢之不置太師亦無其人則闕之意也

後漢書百官志太子太傅一人中二千石職掌輔導太子禮如師不領官屬太子少傅二千石亦以輔導為職悉主

太子官屬

劉昭注漢官曰員吏十三人

謹案後漢紀光武紀建武二十八年上問羣臣誰可傅太子者皆曰執金吾陰識可也博士張佚正色曰今陛下立太子為陰氏乎即為陰氏則陰侯可為天下則固用天下之賢上曰善欲置傅者以輔太子今博士不難正朕況太子乎即拜佚為太子太傅而以桓榮為少傅然則後漢命太傅始于卓茂命太子太傅始于張佚桓榮也又考後漢不置詹事以少傅領東宮官屬與西京異其官屬自太子率更以下別詳詹事府篇

### 三國

三國蜀志後主列傳冊曰今以禪為皇太子使使持節丞相亮授印綬敬聽師傅行一物而三善皆得焉可不勉與謹案華陽國志獻帝建安二十四年先主以許靖為太傅章武元年先主即帝位許靖為司徒無代為太傅者蓋建安二十四年尚襲後漢之制故設太傅至蜀改元或省其職華陽國志謂蜀初闕三司之位以待天下晉志三司即太尉司徒司空亦曰三公太傅在三司上蜀且闕三司之職則太傅不常設可知矣又考華陽國志延熙元年立子璿

為皇太子瑤為安定王以典學從事巴西譙周為太子家令梓潼李譔為僕射皆名儒也則後主時惟立宮官未見設太子太傅少傅惟魏畧曰禪立為太子諸葛亮為太子太傅然考諸書及諸葛亮集亮不為太子太傅故裴松之以為此魚豢妄說則冊文云敬聽師傅者當別有其人或先主時亦曾設此官耳

宋書百官志太師魏世不置

晉書職官志魏初惟置太傅以鍾繇為之後又置太保以鄭沖為之

三國魏志三少帝本紀昔周成建保傅之官近漢顯宗崇寵鄧禹所以優崇雋人必有尊也其以太尉為太傅

謹案司馬懿以太尉進太傅且斬大司馬不與託以朝議避忌見晉書宣帝紀此由曹爽等陽以名號尊之而陰奪其

權如漢初安國侯以右丞相遷帝太傅耳其後太傅置左右長史掾屬舍人各十人加以典兵則又篡奪陰謀自生亂制非太傅職司所本有亦非魏代之常經故不具錄焉

通典魏官九品第三品太子保傅

王應麟玉海漢魏故事太子於二傅執弟子禮通典太子於二傅皆

為書不日令少傅稱臣而太傅不臣文帝為太子涼茂為太傅何夔為少傅謂之二傅

謹案魏世無東宮文帝為太子乃魏國太子也自後二

傳之官遂闕不著

三國吳志諸葛恪列傳恪以大將軍領太子太傅中書令孫宏領少傅恪更拜太傅

謹案吳之太傅自諸葛恪外見於書紀者惟陸機著論云張昭爲師傅而已若東宮二傅多以他官兼領如關澤拜太子太傅領中書如故薛綜爲太子少傅領選職辭瑩以選曹尙書領太子少傅之類是也惟張溫吾粲官太子太傅少傅程秉以交趾長史徵拜太子太傅當爲專任耳

晉

晉書職官志太宰太傅太保周之三公官也晉以景帝諱

故採周官之名置太宰以代太師之任秩增三司與太傅太保皆爲上公論道經邦燮理陰陽無其人則闕以安平獻王孚居之自渡江以後其名不替而居之者甚寡太宰太傅太保爲文官公冠進賢二梁黑介幘

謹案晉以景帝之諱改太師之官名晉書職官志旣云改太宰又云改太保已自相違異通典則云改太師更屬參差然晉志明云採周官之名周官無太師之文則杜佑所說爲無據至太保雖見於周官而古文尙書晉初未出所謂周官當卽周禮周禮有冢宰無太保保氏又下大夫秩不相當則其爲太宰更無疑義況宋齊相沿並稱太宰九證據昭然蓋作保者史之誤字惠帝紀



稱齊王罔爲太師者亦史之駁文或其初避諱作師字  
後乃定爲宰歟

晉荀勗薦三公保傅表三公保傅宜得其人若使楊珧參  
輔東宮必當仰稱聖意

晉書職官志太子太傅少傅泰始三年始各置一人尙未  
置詹事官事無大小皆由二傅並有功曹主簿五官太傅  
中二千石少傅二千石其訓導者太傅在前少傅在後皇  
太子先拜諸傅然後答之後以儲副體尊遂命諸公居之  
以本位重故或行或領時侍中任愷武帝所親敬復使領  
之蓋一時之制也咸寧元年以給事黃門侍郎楊珧爲詹  
事掌宮事二傅不復領官屬及楊珧爲衛將軍領少傅省

詹事遂崇廣傅訓命太尉賈充領太保司空齊王攸領太  
傅所置吏屬復如舊二傅進賢兩梁冠黑介幘五時朝服  
佩水蒼玉其後太尉汝南王亮車騎將軍楊駿司空衛瓘  
石鑿皆領傅保猶不置詹事惠帝元康元年復置詹事二  
傅置丞一人秩千石主簿五官掾功曹史主記門下史錄  
事戶曹法曹倉曹賊曹功曹書佐門下亭長門下書佐省  
事各一人給赤印安車一乘及黃陵建宮乃置六傅三太  
三少以景帝諱師故改太師爲太保晉原別有太保此太  
保據前文當爲太宰  
之通省尙書事詹事文書關由六傅自元康之後諸傅或  
二或三字通典無此一二  
字疑此衍或四或六渡江之後有太傅少傅不  
立師保

通典晉太子六傅各有丞一人

司馬光資治通鑑永熙元年立廣陵王遹為皇太子以中書監何劭為太子太師衛尉裴楷為少師吏部尚書王戎為太傅前太常張華為少傅衛將軍楊濟為太保尚書和嶠為少保胡三省注晉東宮六傅惟此時具官

謹案晉潘尼集有皇太子釋奠頌云元康三年春閏月越二十四日既齊輿駕于太學太傅在前少傅在後恂恂乎宏保訓之道考通鑑永熙元年東宮六傅已全具而潘尼于元康三年作頌仍止稱太傅少傅者蓋晉泰始初獨有太子太傅少傅故當時訓導之職二傅領之皇太子釋奠其前後特于六傅內舉其最重者耳

宋齊梁陳

宋書百官志太宰一人太傅一人太保一人是為三公無其人則闕

謹案宋太宰惟孝武帝時以江夏王義恭為之以後無人

宋書百官志太子太傅一人丞一人少傅一人丞一人並有功曹主簿五官太傅中二千石少傅二千石

南齊書百官志齊惟置太傅

謹案齊亦有太宰太保然惟以為贈無生得之者故志以為惟置太傅

南齊書百官志太子太傅少傅府置丞功曹五官主簿

南齊書王儉列傳儉領太子少傅舊太子敬二傅同至是朝議接少傅以賓友之禮

隋書百官志梁有太宰太傅太保○太子太傅一人位視尚書令少傅一人位視左僕射置丞功曹主簿五官

謹案職官要錄曰三少舊視左僕射冠服同三太也

隋書百官志陳制官品秩太宰太傅太保秩萬石品並第一太子二傅中二千石品並第二

通典太子六傅自宋以下惟有傅而無師保

北魏

通典後魏以太師太傅太保謂之三師上公也

謹案溫子昇集有爲上黨王穆讓太宰表考晉宋以後

江左皆名太師爲太宰而北魏官氏志及唐六典通典載魏官制仍稱太師不稱太宰子昇表稱太宰或當時熟習舊名相襲未改歟

唐六典三師訓導之官也其名卽周之三公漢始尊師傅之位在三公上謂之上公無所統職後魏特稱三師以正其名然非道德崇重則不居其位無其人則闕之

謹案魏淮陽王欣大統中爲太傅文帝曰王三爲太傅再爲太師自古人臣未聞此例可知三師之官在魏固甚重也

通典後魏太子太師太傅太保謂之東宮三師少師少傅少保謂之東宮三少孝明在東宮宣武皇帝欲以崔光爲

太子師傅光固辭帝令太子南面再拜宮臣皆從太子拜  
光北面立不敢答拜惟西向拜謝而出乃授光太子少傅  
北齊

隋書百官志後齊循後魏置太師太傅太保是為三師擬  
古上公非勛德崇者不居○太子太師太傅太保是為三  
師掌師範訓導輔翊皇太子少師少傅少保是為三少各  
一人掌奉皇太子以觀三師之德出則三師在前三少在  
後

謹案魏收傳文宣除收為太子少傅仍兼太子詹事攷  
隋百官志北齊設太子三師三少又別設詹事各為專  
職收以太子少傅兼詹事蓋一時之制也又收未嘗為  
少傅而溫特進集有冬夜酬魏少傅直史館詩魏收傳  
收為太  
子少傅  
直館則太子少傅當時亦通稱少傅也

後周

隋書百官志周太祖師周之建職置三公三孤以為論道  
之官

周書蕭圓肅列傳建德三年授太子少傅圓肅以任當師  
傅調護是職乃作少傅箴

謹案成周立三公三孤王之師保即世子之師保後周  
建官多倣成周故杜佑謂東宮三師三少後周不置然  
蕭圓肅之授太子少傅明著於史當是為圓肅而特設  
者歟

隋

隋書百官志三師不主事不置府僚蓋與天子坐而論道者也

謹案師傅保北魏尊為三師北齊因之後周依周禮又以為三公隋初以為三師煬帝廢之三師自漢魏以來皆開府置僚屬至隋因後周不置僚屬蓋又省三少不置也

隋書百官志太子置太師太傅太保少師少傅少保

唐

舊唐書職官志太師太傅太保各一員謂之三師並正一品訓導之官大抵無所統職無其人則闕之通典天寶以前凡三師官

雖有其位而無其人

唐六典三師或親王拜者但存其名耳

資治通鑑貞觀六年上以新令無三師官二月丙戌詔特置之

謹案此本舊唐書太宗紀而新書百官志則云隋廢三師貞觀十一年復置疑誤

新唐書百官志太子太師太傅太保各一人從一品掌輔導皇太子每見迎拜殿門三師合拜每門必讓三師坐太子乃坐與三師書前名惶恐後名惶恐再拜太子出則乘路備鹵簿以從少師少傅少保各一人從二品掌曉三師德行以諭皇太子奉太子以觀三師之道德自太師以下

惟其人不必備

謹案唐貞觀以還太子師傅皆宰相兼領如魏徵長孫無忌房元齡蕭瑀高士廉岑文本于志寧等皆領師傅之職而房元齡蕭瑀高季輔等又下兼三少乃其後非疾廢眊瞶不任事者卽休戎罷師不知書者處之而又疎棄斥逐之越月踰時不得召見甚至摺紳多恥爲之然則與是列者非所以示尊寵其與設官之初意大不侔矣

### 五季

資治通鑑安審琦曰皇甫太師寂無音問胡三省注皇甫遇未必加官至太師也而安審琦以太師稱之蓋五季之世官賞無章當時相稱謂不復論其品秩就人臣極品而稱之

玉海唐制太師太傅太保爲三師太尉司徒司空爲三公並爲宰相親王使相加官五代之制司徒遷太保太傅遷太傅太傅遷太尉太尉遷太師檢校者亦如之

謹案洪邁云唐節度使帶檢校其初止左右散騎常侍如季愬在唐鄧時所稱者也後乃轉尙書及僕射司空司徒能至此者蓋少僖昭以降藩鎮盛強武夫得志纔建節鉞其資級已高於是復升太保太傅太尉其上惟有太師故將帥悉稱太尉今觀胡氏所云則五季時并薄太尉而徑稱太師故遼人多呼節度使爲太師見金

史世紀相治固有所自矣此本無預於官制而史文有此稱號恐滋考證者之疑故存而訂正之焉

五代會要長興四年四月以祕書監劉贊為秦王傅時言事者請為秦王置師傅上顧問近臣皆以秦王名勢隆盛不敢置議請自選擇乃降是命

謹案五季凡師傅官見于新五代史各傳如馮道為太師趙光逢為太保安重誨為太子太師李麟為太子太傅等大約一準唐制然僭濫相仍槩不足述姑著此以見一時之事云

宋

宋史職官志宋承唐制以太師太傅太保為三師為宰相

親王使相加官

凡除授則自司徒遷太保自太傅遷太尉檢校亦如之

若宰臣官至

僕射致仕者在位久近或已任司空司徒則拜太尉太傅等官若太師則為異數自趙普以開國元勳文彥博以累朝耆德方特拜焉政和二年九月詔以太師太傅太保古三公之官今為三師古無此稱合依三代為三公為真相之任仍考周制立三孤少師少傅少保亦稱三少為次相之任

柯維騏宋史新編職官志宣和七年詔復三公不領三省事治平著令親王不兼三師至徽宗朝皇子有真授者

歐陽修歸田錄皇子顥封東陽郡王除婺州節度使檢校太傅翰林賈學士黯上言太傅天子師臣也子為父師於

體不順中書檢勘自唐以來親王無兼師傅官者蓋自國朝命官祇以差遣爲職事自三師三少以降皆是虛名故失於因循爾議者皆以賈言爲當也

葉夢得避暑漫錄本朝宰相以三師致仕者元豐以前惟三人趙韓王太師張鄧公太傅王魏公太保元豐文潞公始以太師繼之

陸游老學菴筆記史魏公自少保六轉而至太師文潞公自司空四轉蔡太師自司空三轉秦太師自少保兩轉而已

王闢之澠水燕談錄國朝享國百三十餘年人臣爲太師者惟趙忠獻文潞公二人者耳

謹案宋三公自太祖以來未嘗備官獨宣和末三公至十八人蓋太師三人太傅四人太保十一人三少不計也又宋太師未嘗並除紹聖初始有文彥博吳王顥宣和中蔡京童貫鄭紳靖康初燕王俛越王偲紹興初秦檜張俊紹熙末史浩嗣秀王伯圭建隆至紹熙宰臣生拜太師者五趙普文彥博蔡京秦檜史浩惟蔡秦二人以相臣特拜其他皆還政加恩也親王生拜太師者五人楚王元佐燕王元儼吳王顥燕王俛趙王偲皆以父兄行得之嗣秀王伯圭以宗室特拜太師蓋王于光宗爲親伯父用優禮也又政和之制除三公三孤者必須建節加檢校太子少保少師之類然後除開府儀同三



司既除開府然後除三孤三公南渡後如張韓劉岳諸武臣猶是如此其後一得建節即經除開府至三孤三公益非舊制矣

宋史職官志東宮官太子太師太傅太保太子少師少傅少保

馬端臨文獻通考宋師傅不常設仁宗升儲置三少各一人李昉以參知政事兼掌賓客及陞左相遂進兼少傅此宰相兼官僚之始也丁謂兼少師馮拯兼少傅曹利用兼少保是時實爲東宮官餘多以前宰執爲致仕官亦隨本官高下除授太子少師少傅少保以待前執政其少師亦不輕除若因遷轉則遞進一官至太師即遷司空矣天禧

末皇太子同聽政乃以首相兼少師自後神宗欽宗孝宗光宗在東宮皆不置

宋史新編職官志其後錢象祖兼少傅史彌遠賈似道兼少師皆宰相兼官僚也

石林燕語國朝宰相執政未有兼東宮職事者天禧末仁宗初立爲皇太子因命宰相丁謂馮拯兼少師少傅樞密使曹利用兼少保而任中正王曾爲參知政事錢惟演爲樞密副使皆兼賓客前此所無也謂等因請師傅十日一赴資善賓客以下隻日互陪侍講從之

謹案宋制以宰相兼官僚至天禧末乃以首相兼太子少師故宮僚特重然宋初竇儀左右僕射東宮三師爲

表首議云東宮三師為表首討論故實全無證據其左  
右僕射援引制勅合為表首者其事有六云云大旨謂  
上臺君父之官東宮臣子之官不得以東宮三師一品  
為尊然則宮僚雖以宰相充而百官表次仍當在僕射  
後特史彌遠賈似道之流為首輔而兼充少師則東宮  
三師望愈重矣

遼

遼史百官志南面朝官三師府太師穆宗應祿三年見太  
師唐古特西番也原作唐骨德今改太傅太宗會同元年命馮道守太  
傅太保會同元年劉昫守太保少師耶律資忠傳見少師  
蕭巴格原作把哥今改正少傅少保掌印耶律伊遜蒙古語九數也原作乙辛

改今重熙中掌太保印

謹案北魏始改三公為三師宋政和中始復周官公孤  
之名遼則太尉司徒司空自為三公而師傅稱三師蓋  
參取北魏以來之舊制也

遼史百官志南面東宮三師府太子太師太宗大同元年  
見太子太師李崧太子太傅世宗天祿五年見太子太傅  
趙瑩太子太保大同元年見太子太保趙瑩太子少師聖  
宗太平十一年見太子少師蕭從順太子少傅耶律哈里  
滿洲語有水寬甸處也原作合里今改正重熙中為太子少傅太子少保大同  
元年見太子少保馮玉

金

職官表卷六十一  
金史百官志三師太師太傅太保各一員皆正一品師範一人儀刑四海○東宮官宮師府太子太師太子太傅太子太保正二品太子少師太子少傅太子少保正三品掌保護東宮導以德義海陵天德四年始定制宮師府三師三少詹事院詹事三寺十率府皆隸焉

元

元史百官志三公太師太傅太保各一員正一品銀印以道燮陰陽經邦國有元襲其名號特示尊崇太祖十二年以國王置太師一員太宗即位建三公其拜罷歲月皆不可考世祖之世其職常缺而僅置太保一員至成宗武宗而後三公並建無虛位而東宮常置三師三少蓋亦不恆

有也

謹案元視宋制故師傅亦稱三公而又有所謂大司徒司徒太尉之屬或置或不置則亦一時之制也

王圻續文獻通考元成宗大德十一年六月時武宗已即位置宮師府立太子太師少師太傅少傅太保少保等官

明

明史職官志太師太傅太保為三公正一品少師少傅少保為三孤從一品掌佐天子理陰陽經邦宏化其職至重無定員無專授洪武三年授李善長太師徐達太傅先是常遇春已贈太保三孤無兼領者建文永樂間罷公孤官仁宗復設永樂二十二年八月復置三公三少宣德三年勅太師英國公張輔少師吏

部尚書蹇義少傅兵部尚書華蓋殿大學士楊士奇少師兼太子少傅戶部尚書夏原吉各輟所領侍左右咨訪政事公孤之官幾於專授逮義原吉老士奇還領閣務自此以後公孤皆虛銜為勳戚文武大臣加官贈官而文臣無生加三公者嘉靖二年加楊廷和太傅辭不受其後文臣得加三公惟張居正萬曆九年加太傅十年加太師續文獻通考明初設三公府正一品府罷而李善長徐遠以丞相兼太師太傅

謹案明文臣自張居正外多不敢居三公之位故孫承宗傳云加大傅力辭不受先以冊立東宮加大保及神宗實錄成加官亦如之並辭免復以考滿詔加大傅復

辭不受而勳臣得之者前後凡十五人內太師六人太傅四人太保五人亦制之失中者也

明史職官志太子太師太子太傅太子太保並從一品掌以道德輔導太子而謹護翼之太子少師太子少傅太子少保並正二品掌奉太子以觀三公之道德而教諭焉太子賓客正三品掌侍太子贊相禮儀規誨過失皆東宮大臣無定員無專授洪武元年太祖有事親征慮太子監國別設宮僚或生嫌隙乃以朝臣兼宮職李善長兼太子少師徐達兼太子少傅常遇春兼太子少保治書侍御史夏原吉范顯祖兼太子賓客三年禮部尚書陶凱請選人專任東宮官罷兼領庶於輔導有所責成帝諭以江充之事

職官表卷六十七  
可為明鑑立法兼領非無謂也由是東宮師傅止為兼官  
加官及贈官惟永樂間成祖幸北京以姚廣孝專為太子  
少師留輔太子自是以後終明世皆為虛銜於太子輔導  
之職無與也

謹案太子賓客唐官也始於漢四皓之侍從太子至武  
帝為太子立博望苑使通賓客晉惠帝令衛庭王畧楊  
彪裴憲華恆備太子賓友其時雖非官而謂之東宮賓  
客唐顯慶元年始以太子太傅兼侍中韓瑗中書令來  
濟禮部尚書許敬宗左僕射兼太子少師于志寧並為  
皇太子賓客遂為官員定置四人掌調護侍從規諫凡  
太子有賓客之事則為上齒資位間重其流不雜宋置  
二人或以宰執兼之太子事以師傅禮其後相仍不替  
明洪武初徵儒士王本杜敷趙民望吳源為四輔官兼  
太子賓客位尚書上蓋亦宮師之亞也  
國朝不設斯官故附著於此

南海羅崇齡初校

南海桂 玷覆校

番禺陶福祥再覆校

欽定歷代職官表卷六十七

職官表卷六十七

師傅保加銜

三

廣雅書局

